



„ჩინგუძი საცაბთეულა, სიბუძი ჩუნ ჯაბთ ყულაბ“

# კორსი

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2021 წელი

№3-4 (9499-9500)

1-28 თებერვალი

ფასი 1 ლარი

## მუნიციპალიტეტის მერიამი

### სამუშაო შეხვედრა

სამეგრელო-ზემო სვანეთის სახელმწიფო რწმუნებულის ადმინისტრაციამ, გარემოს დაცვისა და სოფლის მეურნეობის მინისტრის პირველი მოადგილე გიორგი ხანიშვილი სამეგრელო-ზემო სვანეთის სახელმწიფო რწმუნებულს მალხაზ თორიას შეხვდა.



შეხვედრაზე, რომელსაც სახელმწიფო რწმუნებულის მოადგილე დავით ვერავა, სენაკის მუნიციპალიტეტის მერი ლევან კუპრეიშვილი, რეგიონის მუნიციპალიტეტების მერები, სურსათის ეროვნული სააგენტოს უფროსი ზურაბ ჩეკურაშვილი, თბილისის მწარმოებელთა ასოციაციის თავმჯდომარე გიორგი თოდუა ესწრებოდნენ, განხილულ იქნა აზიურ ფაროსანასთან ბრძოლის ღონისძიებები.

გიორგი ხანიშვილმა მუნიციპალიტეტების მერებისგან მოისმინა ინფორმაცია რეგიონში არსებული ვითარების შესახებ და ხაზი გა-

უსვა ღონისძიებების გატარების პროცესში მათი ჩართულობის მნიშვნელობას.

„ადგილობრივი ხელისუფლება მჭიდროდ ითანამშრომლებს სამინისტროსთან, რომ ფერმერებმა კვლავაც მაღალი ხარისხის მოსავალი მიიღონ“ - აღნიშნა შეხვედრაზე სამეგრელო-ზემო სვანეთის სახელმწიფო რწმუნებულმა მალხაზ თორიამ.

## საბავშვო ბაღებისა და ბაბა-ბაღების მშენებლობის პროცესი

სენაკის მუნიციპალიტეტში აქტიურად მიმდინარეობს თანამედროვე სტანდარტების შესაბამისი საბავშვო და ბაბა-ბაღების მშენებლობის პროცესი.

ამ ეტაპზე შენდება ორი საბავშვო და ბაბა-ბაღი დაწესებულება.

ასევე იგეგმება ორი საბავშვო და ბაბა-ბაღის მშენებლობა.

ინტენსიურ რეჟიმში ხორციელდება N4 საბავშვო ბაღის სამშენებლო სამუშაოები, რომლის დასრულების შემდეგ საჭირო ტექნიკით, ინვენტარით, ბუნებრივი აირითა და ცენტრალური გათბობით უზრუნველყოფილი საბავშვო დაწესებულება 100 ალსაზრდელს მოემსახურება. შენობა ადაპტირებული იქნება შეზღუდული შესაძლებლობების მქონე პირთათვის.

პროექტი ლტოლვილთა დანიის საბჭოსა (DRC) და საქართველო-გერმანიის ფინანსური თანამშრომლობის ფარგლებში ხორციელდება. ამავე პროექტის ფარგლებში, ყოფილი სა-



ხედრო დასახლების ტერიტორიაზე რეაბილიტაცია ჩატარდა საბავშვო ბაღს.

დასრულების ეტაპზეა მესამე ბაბა-ბაღის სამშენებლო სამუშაოები, რომელსაც მუნიციპალური განვითარების ფონდი აწარმოებს.

გამოცხადდა ტენდერი N3 ბაბა-ბაღის მშენებლობაზე, რომლის დასრულების შემდეგ დაიწყება მასშტაბურ სამუშაოები.

ასევე იგეგმება N7 საბავშვო ბაღის მშენებლობა.

## საგზაო ინფრასტრუქტურის განახლების პროცესი

სენაკის მუნიციპალიტეტში საგზაო ინფრასტრუქტურის განახლების პროცესი უწყვეტ რეჟიმში მიმდინარეობს.

ხორშის ადმინისტრაციული ერთეულის საგზაუნავოს უბანში, ხიდამდე მისასვლელ გზაზე ხორციელდება ბეტონის საფარის მოწყობის სამუშაოები.

პროექტის ღირებულება 83 887 ლარს შეადგენს.

სამუშაოებს ტენდერში გამარჯვებული კომპანია შპს „აფო“ აწარმოებს.

ასევე იგეგმება: დემეტრე თავდადებულის; ბელიაშვილის; ნაფტეგარიძის ქუჩების; სახოკიას ქუჩიდან მხეფის ციხემდე მისასვლელი გზის

და მოედნის ასფალტო-ბეტონის საფარით მოწყობას; კანკიას ქუჩის პირველი შესახვევის რეაბილიტაცია;

ძველი სენაკის ადმინისტრაციული ერთეულის ცენტრის კეთილმოწყობასა და საბავშვო ბაღამდე გზის ასფალტირებას;

თელავის ადმინისტრაციულ ერთეულში, რკინიგზის გასწვრივ საავტომობილო გზის ასფალტირება;

ნოქალაქევის ადმინისტრაციულ ერთეულში, სასაფლაოსთან მისასვლელი გზის რეაბილიტაცია;

ძველი სენაკის ადმინისტრაციული ერთეულის ზემო სორტის უბნის ქვედა მხარის გზის რეაბილიტაცია;

სოფელ მეორე ნოსირის საბარკალაის უბნის გზის ასფალტირება;

თელავის ადმინისტრაციული ერთეულიდან მენჯის ადმინისტრაციული ერთეულის სოფელ ბათარასკენ მიმავალი გზის ასფალტირება;

ჭავჭავაძის ქუჩაზე, სამხატვრო გალერეადან ხორავას ქუჩამდე მისასვლელი გზისა და ხორავას ქუჩის რეაბილიტაცია;

მენჯის ადმინისტრაციულ ერთეულში, მენჯი-სახარბედიოს დამაკავშირებელი გზის რეაბილიტაციას და მოსახლეობის საჭიროებაზე მორგებული სხვა მნიშვნელოვანი პროექტების განხორციელება.



## სკორტული ინფრასტრუქტურული პროექტები

ჯანსაღი ცხოვრების წესის დამკვიდრებისა და ახალგაზრდებში სპორტის პოპულარიზაციის მიზნით ინფრასტრუქტურული პროექტების აქტიურად განხორციელება ხელი-სუფლების ერთ-ერთი უმნიშვნელოვანესი პრიორიტეტია.

სენაკის მუნიციპალიტეტში, საგანმანათლებლო და სამეცნიერო ინფრასტრუქტურის განვითარების სააგენტო, ინტენსიურ რეჟიმში ახორციელებს ქალაქ სენაკის N3 საჯარო სკოლის მეორე კორპუსის მინი სპორტული მოედნის, სენაკის მუნიციპალიტეტის სოფელ ზანის საჯარო სკოლის მინი სპორტული

მოედნისა და დარბაზის სარეაბილიტაციო სამუშაოებს.

პროექტის მიმდინარეობის პროცესს სენაკის მუნიციპალიტეტის მერიის სივრცითი მონაწილესა და ინფრასტრუქტურის სამსახურის უფროსი ვახტანგ ფაცაცია და განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი გაეცნენ.

ამ ეტაპზე, ჭავჭავაძის ქუჩის N35 და რუსთაველის ქუჩის N126 კორპუსების მიმდებარედ, მიმდინარეობს მინი სპორტული მოედნების რეაბილიტაცია;

ასევე, სასპორტო სკოლის სპორტული დარბაზისა და სადრენაჟე სისტემის მოწყობის სამუშაოები.

პროექტს, რომლის ღირებულება 122 800 ლარს შეადგენს, რეგიონალური განვითარების ფონდი ადგილობრივი ბიუჯეტის თანადაფინანსების ფარგლებში ახორციელებს.

სენაკის მუნიციპალიტეტის მერის ლევან კუპრეიშვილის მერობის პერიოდში, ასევე მოეწყო 6 მინი-სპორტული მოედანი:

2019 წელს რეაბილიტირდა ჭყონდიდელის ქუჩაზე, მექანიკურის დასახლებაში, მექანიკურის სკოლისა და ჟიული შარტავას სახელობის პარკში მდებარე მინი-სპორტული მოედნები;

2020 წელს დასრულდა ყოფილი სამხედრო ქალაქის დევნილთა დასახლებაში და მშვიდობის ქუჩის N223-ში მდებარე სპორტული მოედნების მშენებლობა.

ამენდა 2 საკალათბურთო მოედანი:

მსოფლიო დონის კალათბურთელის, სენაკის საპატიო მოქალაქის, ზაზა ფაჩულიას ინიციატივით, სენაკის მუნიციპალიტეტის მერიისა და კომპანია „გალფის“ ერთობლივი პროექტის ფარგლებში, 2020 წელს დასრულდა ზაზა ფაჩულიას სახელობის საკალათბურთო მოედნის მშენებლობა;

2020 წელს, იუსტიციის სახლის მიმდებარედ, მოეწყო კალათბურთის მოედანი. რეაბილიტირდა, ბუნებრივი აირით და გათბობის სისტემით უზრუნველყოფილ იქნა სენაკის სასპორტო სკოლა, ძიუდოსა და ბერძნულ-რომაული ჭიდაობის დარბაზები; კალათბურთის, ფრენბურთისა და ფეხბურთის მოედნები; ასევე სენაკის ცენტრალურ სტადიონს ჩაუტარდა სარეაბილიტაციო სამუშაოები.

## ახალსოფელს კეთილმოწყობილი ბიბლიოთეკა შეემატება

სენაკის მუნიციპალიტეტის ახალსოფლის ადმინისტრაციულ ერთეულში ბიბლიოთეკის სარემონტო სამუშაოებს ვახორციელებთ.

აღნიშნული საკითხი ადგილობრივებთან „სოფლის მხარდაჭერის პროგრამის“ ფარგლებში გამართულ შეხვედრაზე წამოიჭრა.

მოსახლეობას პრობლემის მოგვარებას დაეპირდით.

უახლოეს პერიოდში, სოფელს კეთილმოწყობილი ბიბლიოთეკა და რეაბილიტირებული სამკითხველო დარბაზი შეემატება.

პროექტს, რომლის ღირებულება 13 997 ლარს შეადგენს, ინდ. მენარმე „გამზა როყვა“ ახორციელებს.

ბოლო წლების განმავლობაში, მოსახლეობის საჭიროებების გათვალისწინებით, აქ არაერთი ინფრასტრუქტურული პროექტი განვახორციელეთ:

გაზიფიცირდა ახალსოფლის ადმინისტრაციული ერთეული; მოვანესრიგეთ საგზაო ინფრასტრუქტურის დიდი ნაწილი; ჩავატარეთ მასშტაბური ნაპირ-სამაგრი და სამელიორაციო სამუშაოები;



მოვანყვეთ გარე განათების სისტემა;

ბოლო 2 წლის მანძილზე, „სოფლის მხარდაჭერის პროგრამის“ ფარგლებში, ახალსოფლის ადმინისტრაციულ ერთეულში, 17 ინფრასტრუქტურული პროექტი განვახორციელეთ.

მოსავარებელი საკითხები ჯერ კიდევ არსებობს, რასაც ეტაპობრივად გადავწყვეტთ.

მოსახლეობისთვის პრობლემების დროული მოგვარება ჩვენი საქმიანობის უმთავრესი ნარმმართველია.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება



# პროფესიონალიზმი და მოსწავლეთა სიყვარული - „პელაგონის“ საპროექტო ბაკატი

სამყაროში ერთ-ერთი ყველაზე „ძლიერი იარაღი“ რაც შესაძლებელია ადამიანს ჰქონდეს ცოდნაა. განათლება ჩვენი ცხოვრების აუცილებელი კომპონენტია. ხოლო იმისათვის, რომ კარგი და საფუძვლიანი განათლება მივაღებინოთ ჩვენს შვილებს აუცილებელია ვასწავლოთ სკოლაში, სადაც პროფესიონალი პედაგოგები და ჯანსაღი გარემოა.

სწორედ ერთ-ერთ ასეთ სკოლაზე გვინდა შევაჩეროთ თქვენი ყურადღება.

სკოლა „პელაგონი“ არსებობს 11 წელს ითვლის და ჩვენი ქალაქის კერძო სკოლაა შორის ღირსეული ადგილი უჭირავს. იმისათვის, რომ კარგად გავცნობოთ ამ პატარა, მაგრამ ოჯახური სიტბოთი და სიყვარულით სავსე ცოდნის კერას, რამდენიმე კითხვით მივმართეთ სკოლის დირექტორს, ქალბატონ კესო ვახანიას და სასწავლო ნაწილს ქალბატონ ნანა ბარკალაიას.

თუ შეგიძლიათ გვითხარით რამდენი წელია, რაც კერძო სკოლა „პელაგონი“ არსებობს და ორიოდე სიტყვა სკოლის შექმნის ისტორიაზე?

ნებისმიერი სენაკელისთვის ქალბატონი რუსუდან ურიდიას სახელი საგანმანათლებლო სფეროსთან ასოცირდება, სასკოლო ცხოვრებაზე და ბავშვებზე უზომოდ შეყვარებულმა ქალბატონმა, მას შემდეგ რაც საჯარო სამსახურიდან წამოვიდა, 2009 წელს საკუთარი კერძო სკოლა დაარსა. საუკეთესო გუნდი შემოიკრიბა და მათთან ერთად ჩაუყარა საფუძველი ამ პატარა ცოდნის კერას. „პელაგონი“ არის ადგილი, სადაც თითოეული მოსწავლე ოჯახურ გარემოში გრძნობს თავს და ხელს უწყობს მათ მრავალმხრივ ინტელექტუალურ განვითარებას. სკოლამ სახელოვანი სტარტი აიღო, 2010 წელს ეროვნულ სასკოლო ოლიმპიადაში მიღებული საუკეთესო შედეგებისათვის განათლების სამინისტრომ იგი 3000 ლარით დააჯილდოვა. გარდა ამისა სკოლაში გვყავს პროექტ „ეტალონის“ სამეგრელოს რეგიონის გამარჯვებული მოსწავლეები, რომლებიც აქტიურად არიან ჩართული არაფორმალური განათლების სხვადასხვა პროექტებში.

რა შეგიძლიათ გვითხარით კოლექტივის შესახებ. რამდენად კვალიფიციური პედაგოგები გყავთ, მათ შორის თუ არიან სტატუსიანი პედაგოგები?

სკოლაში საგანმანათლებლო პროცესს წარმართავენ მრავალწლიანი პროფესიული გამოცდილებისა და მაღალი კვა-

ლიფიკაციის პედაგოგები, რომელთაგან უმრავლესობას მინიჭებული აქვს უფროსის სტატუსი, გვყავს წამყვანი მასწავლებელიც. სკოლა ზრუნავს და ხელს უწყობს მასწავლებლების უწყვეტ პროფესიულ განვითარებას. კლასში მოსწავლეთა მცირე რაოდენობა პედაგოგებს საშუალებას აძლევს ინდივიდუალური საჭიროების გათვალისწინებით დაგეგმონ გაკვეთილი.

პანდემიამ შეცვალა რეალობა ყველა სფეროში, მათ შორის რა თქმა უნდა სკოლებშიც. იყო პერიოდი, როდესაც სწავლა დისტანციურად მიმდინარეობდა. რამდენად გაამართლა დისტანციურმა სწავლებამ. იყო თუ არა ამ მხრივ რამე პრობლემა?

მსოფლიო პანდემიამ მოსწავლისა და მასწავლებლის ურთიერთობა სულ სხვა რეჟიმში გადაიყვანა. 2019-2020 წელი დისტანციური ფორმატით დავასრულეთ. ეს სერიოზული გამოწვევა იყო სასკოლო საზოგადოებისათვის, ბევრი რამის სწავლა მოუხდათ მასწავლებლებს, პრობლემებმაც იჩინა თავი: შესაბამისი ტექნიკის და ინტერნეტის არქონა. ტექნოლოგიებთან მუშაობისა და მათი სასწავლო რესურსად გამოყენების უნარ-ჩვევების არქონა. 2020-2021 სასწავლო წელს ამ მხრივ სკოლა უფრო მომზადებული შეხვდა. თუმცა დისტანციური სწავლების დადებითი მხარეებიც შეიძლება გამოვყოთ. მასწავლებლებს მეტი საშუალება მიეცათ მოეძიათ და გამოეყენებინათ საინტერესო ელექტრონული რესურსები.

რაც შეეხება სანიტარულ-ჰიგიენურ მდგომარეობას. რა ინტენსივობით მიმდინარეობს ჰიგიენური პირობების უზრუნველყოფა. უტარდება თუ არა გეგმიური ტესტირებები პედაგოგებს?

სასწავლო წლის დაწყებამდე სკოლამ გაიარა სრული შემოწმება შესაბამისი ორგანოების მხრიდან და მხოლოდ ამის შემდეგ მოგვეცა სასწავლო პროცესის დაწყების უფლება. სწავლა და სწავლების პროცესი რეკომენდაციების სრული დაცვით მიმდინარეობს. სკოლაში მკაცრად კონტროლდება მოსწავლეების დისტანციური გადაადგილება. გარდა ამისა რეგულარულად ხდება სადეზინფექციო სამუშაოების ჩატარება, საკლასო ოთახების განიავება, სპეციალური ხსნარებით მუშავდება ზედაპირები. რათქმაუნდა პედაგოგებს უტარდებათ გეგმიური ტესტირებები ორკვირიანი შუალედით, რაც ხელს უწყობს ვირუსის გავრცელების პრევენციას.

რამდენიმე კვირის წინ სკოლაში დაფიქ-

სირდა კორონავირუსის შემთხვევა. რა ზომები გატარდა და რა მდგომარეობა ამ მხრივ?

სამწუხაროდ ვერც ჩვენი სკოლა ვერ გადაურჩა ამ ინფექციას და 3 თებერვალს დაფიქსირდა კორონავირუსის რამდენიმე შემთხვევა (დანყებით საფეხურზე ერთი მასწავლებელი და ოთხი მოსწავლე). სწორედ ამის საფუძველზე სკოლამ ნერილობით მიმართა ადგილობრივ რესურსცენტრს და 3 თებერვლიდან 17 თებერვლამდე სწავლების ჰიბრიდულ მოდელზე გადავიდა. 17 თებერვლიდან კი სკოლა აგრძელებს დასწრებით რეჟიმით სწავლებას.

ძალიან დიდი იმედი გვაქვს ეპიდსიტუაცია ქვეყანაში უკეთესობისკენ შეიცვლება და საკლასო ოთახებში სასწავლო პროცესი საფრთხის ქვეშ აღარ დადგება.

ყველა სასწავლო დაწესებულების პრიორიტეტი აუცილებლად უნდა იყოს მოსწავლეებისათვის უსაფრთხო გარემოს შექმნა და მათი ჯანმრთელობა. სამწუხაროდ დღევანდელი რეალობიდან გამომდინარე, ნათლად იკვეთება ის ფაქტი, რომ უნდა ვისწავლოთ ვირუსთან ერთად თანაცხოვრება. იმედია ეს მძიმე პერიოდი მალე

დამთავრდება და შევძლებთ ყველაფრის ღირსეულად გადალახვას.

რედაქცია სკოლა „პელაგონის“ პედაგოგიურ კოლექტივსა და მოსწავლეებს უსურვებს ჯანმრთელობას და კეთილდღეობას. არაერთხელ ესახელებინოთ მათ ჩვენი ქალაქი და საქართველო.

მომზადდა მარიკა მიქაბერიძემ





# ყველა როლში ბოლომდე ვიხარჯები

2021 წლის თებერვალს „რუსთავის 2-ის“ ეთერში გავიდა დიტო ცინცაძის ფილმი „შინდისი“. ფილმი რეალურ ამბავზეა დაფუძნებული. რომელიც 2008 წლის 11 აგვისტოს სოფელ შინდისში განვითარდა, მაშინ, როდესაც საქართველოს მეორე ქვეითი ბრიგადის საინჟინრო ოცეულს რუსეთის 58-ე არმიის



მოტომსროლელოთა ასეული დაესხა თავს. უთანასწორო ბრძოლაში რუსული საოკუპაციო ძალის წარმომადგენლებმა 17 ქართველი სამხედრო მოკლეს. სწორედ ეს ისტორია გახდა რეჟისორის შთაგონების წყარო. ფილმი ასევე გვიამბობს დასახლება შინდისის მაცხოვრებლების თავგანწირვასა და ადამიანურ ტრაგედიებზე. ფილმისთვის სცენარი ირაკლი სოლომონაშვილმა დაწერა. მონაწილეობას ლეზლობდენ მსახიობები: გოგა პიპინაშვილი, დათო ბახტაძე, თამუნა აბშილავა, მარიამ ჯიბლაძე...

„შინდისი“ არაერთი ჯილდოს მფლობელია. ფილმი ვარშავის საერთაშორისო კინოფესტივალის გამარჯვებული გახდა და ფესტივალის გრან პრი მიიღო, ხოლო დიტო ცინცაძე დაჯილდოვდა საუკეთესო რეჟისორის პრიზით, პოლივუდში, აზიური ფილმების მსოფლიო ფესტივალზე, რეჟისორ დიმიტრი ცინცაძეს საუკეთესო რეჟისორის ჯილდო გადასცეს. 2019 წელს ფილმმა მონაწილეობა მიიღო შანხაის საერთაშორისო ფესტივალში. საქართველოს კინოცენტრმა ამერიკის კინოაკადემიის დაჯილდოვების 92-ე ცერემონიაზე, საერთაშორისო სრულმეტრაჟიანი ფილმის (იგივე უცხოენოვანი ფილმის) კატეგორიაში წარსადგენად შეარჩია.

ჩვენი სტუმარია ფილმში ერთ-ერთი მთავარი როლის შემსრულებელი თამუნა აბშილავა სენაკის აკაკი ხორავას სახელობის სახელმწიფო დრამატული თეატრის ნიჭიერი და პერსპექტიული მსახიობი. თამუნა დაიბადა ქობულეთში, სწავლობდა ჯვარის №2 საშუალო სკოლაში. დაამთავრა შოთა რუსთაველის სახელობის თეატრალური ინსტიტუტი. ახალგაზრდა მსახიობს არაერთი მთავარი როლი აქვს შერულებული თეატრის სცენაზე, მონაწილეობს სატელევიზიო სერიალში „ჩვენი ცოლის დაქალები“.

ქალბატონო თამუნა, პირველ რიგში გილოცავთ წარმატებულ როლს, ქართული თეატრის დღეს, თეატრის იუბილეს. რატომ აირჩიეთ მსახიობის პროფესია?

მადლობა, მსახიობობა ბავშვობიდანვე მომწონდა. ზუსტად არ მახსოვს როდის გადავწყვიტე, რომ მსახიობი გავმხდარიყავი. თუმცა სხვა არცერთ პროფესიაზე არ მიფიქრია. როგორც კი ვიგეძე „სცენის მტვერი“, მივხვდი, რომ ეს იყო საქმე, რაც სიცოცხლის ბოლომდე უნდა გამეკეთებინა. მსახიობობა ეს უზარმაზარი თავისუფლებაა. სცენაზე შეგიძლია იყო ის ვინც გინდა. აი მოგვიანებით კი დაფიქრდი ექიმობაზე, მსახიობი რომ არ ვყოფილიყავი მსახიობი, ვიქნებოდი ექიმი. ვთვლი, რომ ნებისმიერი პროფესია მოითხოვს გარკვეულ ცოდნას, უნარებს

და მომზადებას, პირველ რიგში უნდა გიყვარდეს ის საქმე, რომელსაც აკეთებ და თუ არ იშრომე, მაშინ არც პოპულარობა მოვა და ვერაფერსაც მიიღწევ.

თქვენს მიერ შესრულებული პირველი როლი. როგორი იყო სცენაზე გამოსვლის პირველი შთაბეჭდილება?

პირველი სპექტაკლი თეატრალურ ინსტიტუტში, პირველ კურსზე ვიყავი, როდესაც შევასრულე ნატალია ჩუბუკოვას როლი ანტონ ჩეხოვის პიესაში „ხელის თხოვნა“. პირველი შთაბეჭდილება და სიამოვნება სწორედ ამ როლთანაა დაკავშირებული. ძალიან დიდი ხიბლი აქვს პროფესიას, ცოცხალია და ცვალებადი. ცხოვრება ერთი სიტყვით, სხვადასხვა ფერით და ემოციით. მრავალფეროვანია არტისტის პროფესია და აზარტულიც.

თქვენ შეასრულეთ ერთ-ერთი მთავარი როლი რეჟისორ დიტო ცინცაძის ფილმში „შინდისი“. როგორ მოხვდით ფილმში, რამდენად რთული იყო გადაღების პროცესი.

ფილმში მოსახვედრად გავიარე ქასთინგი. სამჯერ ვიყავი...ფიქრობდნენ და მოიფიქრეს. ძალიან დიდი მადლობა მინდა გადავუხადო ქასთინგის დირექტორს ეკა მუჟანაძეს, რეჟისორ დიტო ცინცაძეს, მარინა კულუმბეკაშვილს, არ მინდა ვინმე გამომჩიოს, მთელ გადაღებას ჯგუფს, მსახიობებს, ჩემს პარტნიორს გოგა პიპინაშვილს.

ფილმში შეუღალამაზებლად, რომანტიზებისა და გადაჭარბებული დრამატიზების გარეშე ნაჩვენები ნამდვილი ამბავი გვირეზებ, რომლებიც 2008 წლის აგვისტოს ომის ქარცეცხლში მოხვდნენ. ეს იყო ძალიან მძიმე და საფრთხილო, მტკივნეული თემა. შემიძლია ვთქვა, რომ ყველა ვინც კი დაკავებული იყო ფილმში დიდი სიყვარულითა და პროფესიონალიზმით აკეთებდა თავის საქმეს. გადაღების პროცესი იყო საკმაოდ რთული, ვიტყვი დიმიტეც, მაგრამ ამავე დროს კომფორტულიც. ალბათ წლები დამჭირდება იმის გასააზრებლად, თუ რა გამოცდილება მომცა ფილმში მონაწილეობამ. თუმცა ამ როლმა მძიმე კვალს დატოვა ჩემს ემოციურ განწყობაზე. დიდი იმედი მაქვს ზუსტად ვთქვი ამ როლით ის, რისი თქმაც მინდოდა. როგორი გამოვიდა ფილმი, ეს უკვე მაყურებელმა უნდა შეაფასოს.

გარდა „შინდისისა“ თქვენ მონაწილეობთ სატელევიზიო სერიალში „ჩვენი ცოლის დაქალები“, ხომ არ იყო სხვა როლებიც

სერიალი სულ სხვა სპეციფიკაა, ჩემი როლიც რადიკალურად განსხვავებული. კარგია როცა მსახიობს ეძლევა შესაძლებლობა შეასრულოს ერთმანეთისაგან

გამსხვავებული როლები. მალე გამოვა ბექა სიხარულიძის ახალი ფილმი „სიცოცხლიდან სიცოცხლემდე, რომელშიც ვასრულებ მეორეხარისხოვან, მაგრამ „მსუყე“ როლს. ძალიან საინტერესო სიუჟეტზეა აგებული და იმედი მაყურებელს მოეწონება. სხვა დეტალებზე ჯერ-ჯერობით ვერაფერს გეტყვით.

არაერთ სპექტაკლში მიიღეთ მონაწილეობა, გადაღებულ ხართ ფილმებში, თქვენი გამოცდილებიდან რა განსხვავებაა ფილმსა და სპექტაკლში თამაშს შორის, სად უფრო საინტერესოა და რატომ?

სხვაობა თეატრსა და კინოს შორის რა თქმა უნდა არის, მსახიობისათვის ორივე საინტერესოა. ჯობია ორივეში მოსინჯო საკუთარი თავი. ორივეს აქვს თავისი სპეციფიკა და მგონია რომ მსახიობი ორივეს დიდი სიამოვნებით უნდა აკეთებდეს. თუმცა ინდივიდუალურია ალბათ. კამერა არის ძალიან ულმობელი. მისი მოტყუება შეუძლებელია... სცენა სხვა რამეა... მე ორივე ძალიან მომწონს და ორივეგან თავს ვგრძნობ კარგად. შეფასება ისევე მაყურებელზეა. ასე რომ მე ვისურვებდი ორივეგან ბევრ როლს.

როლი, რომლის შესრულებაზე ოცნებობ.

საოცნებო როლი მე არ მაქვს, არასოდეს მიფიქრია ამაზე. ყველა როლს ვიღებ როგორც ახალ გამოწვევას... ყველა როლში ბოლომდე ვიხარჯები, ჰოდა ყველა როლში შეგიძლია ჩადო ოცნება, ფერები, სათქმელი, ტკივილი სიყვარული... არა აქვს მნიშვნელობა როლი დიდა, პატარა, მთავარია მაყურებელამდე სწორად მიიტანო სათქმელი და ის ამას უთუოდ მიიღებს.

თქვენი სამომავლო გეგმები, ამჟამად თუ ხართ დაკავებული რომელიმე სპექტაკლში და როდის გიხილავთ მაყურებელი სცენაზე?

მსახიობის სამომავლო გეგმა დამოკიდებულია ვითარებაზე და რეჟისორზე... ახლა უკვე პანდემიაზეც.. სამწუხაროდ ისეთი ტემპით ვეღარ ვმუშაობთ... ველოდებით... ორ თეატრში ვარ, სენაკის და ფოთის. ახლახანს გავხდი ფოთის თეატრის დასის წევრი, რისთვისაც დიდი მადლობა მინდა გადავუხადო სამხატვრო ხელმძღვანელს რამაზ იოსელიანს, არაჩვეულებრივ მსახიობს, რომელმაც გამომიცხადა ნდობა და მომცა შესაძლებლობა ვითამაშო ფოთის თეატრის სცენაზე. გეგმები ბევრი გვაქვს, მაგრამ ჯერ გარკვევით ვერაფერზე ვისაუბრებ. მთავარია პანდემიამ გადაიაროს. აქვე მინდა დიდი მადლობა გადავუხადო მაყურებელს, რომელმა თბილად მიიღო ფილმი „შინდისი“. ძალიან ბევრი წერილი მივიღე სიყვარულით და ემოციით სავსე, რაც ძალიან მახარებს. მსახიობისთვის იმაზე დიდი ჯილდო არ არსებობს, რასაც მაყურებლის სიყვარული ქვია. ჩვენი საქმეა ჩვენს მიერ განსახიერებული როლებით მივცეთ მაყურებელს სააზროვნო საფიქრალი... დიდი იმედი მაქვს რომ ბევრი საინტერესო გამოწვევა ელოდება თეატრს და კინოს. მინდა ყველა მსახიობს ვუსურვო ბევრი სამუშაო...რაც შეიძლება ბევრი და კარგი მაყურებელი. ერთგული და კარგი შემფასებელი. ჩვენი პროფესია მართლაც რთულია მაგრამ საოცრად საინტერესო... სავსე ტკივილითა და სიხარულით.

ვუსურვებთ თამუნა აბშილავას მაყურებელთა დიდი სიყვარულს, წარმატებებს პირად ცხოვრებაში და შემოქმედებით აღმაფლობას ხელოვნების დიდ გზაზე.

მაია გერბაია

# ჩოგბურთი ასაკის გარეშე

მიმდინარე წლის 24 იანვარს თბილისში გაიმართა საქართველოს ეროვნული ლიგის ტურნირი - მედიუმ ლიგა მაგიდის ჩოგბურთში (ჩოგბურთი ასაკის გარეშე). ტურნირში თბილისელ, კასპელ და ლავოდეხელ სპორტსმენებთან ერთად მონაწილეობდნენ სენაკის სასპორტო გაერთიანების, სასპორტო სკოლის მწვრთნელ - მასწავლებელი კობა ჩხიკვაძე და სასპორტო სკოლის მოსწავლე საბა ხარბედია. ტურნირი გამორჩეული იყო მძაფრი ორთაბრძოლებითა და მოულოდნელი შედეგებით. ნახევარფინალში გამოცდილმა კობა ჩხიკვაძემ 5 პარტიის ჯამში სძლია გიორგი გოდერძიშვილს, მხოლოდ ფინალი დათმო და ვერცხლის მედალს დაჯერდა. მიუხედავად ამისა საქართველოს ეროვნული ლიგის მიერ გამოქვეყნებულ მედიუმ-ლიგის მონაწილეთა რეიტინგში 2021 წლის 25 იანვრის მდგომარეობით ის პირველ ადგილზეა. კობა ჩხიკვაძემ დაამთავრა საქართველოს სუბტროპიკული მეურნეობის ინსტიტუტი სოხუმში. სპორტის, კერძოდ ფეხბურთისა და მაგიდის ჩოგბურთის სიყვარულმა მიიყვანა ოლიმპიური რეზერვების ოლიმპიური სასწავლებელი, რომელიც დაამთავრა 1989 წელს.

რუსეთში ცხოვრების პერიოდში ვარჯიშობდა ცნობილ ჩოგბურთელთან, საერთაშორისო კლასის სპორტის ოსტატთან ვლადიმერ სტოლინიკოვთან. 2000 წელს ჩამოვიდა სენაკში. საქართველოს სპორტის ფედერაციამ მიანიჭა მწვრთნელ-მასწავლებლის სერტიფიკატი. აქტიურად მონაწილეობდა სხვადასხვა რესპუბლიკურ და საერთაშორისო (თურქეთში, ბელორუსიაში, რუსეთში... ტურნირებში და არაერთხელ აულია საპრიზო ადგილი. სენაკელ ლაშა ლომიასთან ერთად გახდა საქართველოს ჩემპიონი. არანაკლებ წარმატებით მოღვაწეობს კობა ჩხიკვაძე, როგორც მწვრთნელი. მისი მოსწავლეები: გიორგი გაბუნია, გიგა ფარლალავა, საბა ხარბედია... წარმატებით მონაწილეობენ სხვადასხვა რანგის ტურნირებში. როგორც თვითონ აღნიშნა: „მყავს საკმაოდ პერსპექტიული, ნიჭიერი გოგონები, მართალია პანდემიამ შეგვიშალა ხელი, მაგრამ იმედი მაქვს რომ სერიოზულ წარმატებებს მიაღწევენ და ბევრჯერ გვასახელებენ თავიანთი მიღწევებით“. აღსანიშნავია ლაშა ლომიას შესანიშნავი მონაწილეობა 21 თებერვალს საქართველოს მაგიდის

ჩოგბურთის ფედერაციის ეგიდით გამართულ ტურნირში. ლაშამ საუკეთესო მთელი ტურნირის განმავლობაში შესანიშნავი თამაში აჩვენა, ფინალში კი ძლია უძლიერეს ლევან პავლიაშვილს

და გრანდ ფინალის ჩათვლაში 20 ქულაც მიითვალა. ვულოცავთ კობა ჩხიკვაძესა და ლაშა ლომიას გამარჯვებას, ვუსურვებთ წარმატებებს.

**მ. გიგაბია**

P.S. კიდევ ერთი დიდი გამარჯვება იზეიმა სპორტულმა საზოგადოებამ და მისმა გულშემატივრებმა. ამ დღეებში, სენაკის სასპორტო გაერთიანების, სასპორტო სკოლის აღზრდილმა ომიკო შენგელიამ (92 კგ. წ/კ. მწვრთნელ - მასწავლებელი ზურაბ დავითაია) პირველი ადგილი დაიკავა 20-21 თებერვალს, პოლონეთის ქალაქ პოზნანში ჩატარებულ ღია საერთაშორისო ტურნირში ბერძნული-რომაულ ჭიდაობაში და დასახელდა ტურნირის საუკეთესო მოჭიდავედ. ვულოცავთ სასახელო გამარჯვებას, არაერთხელ ესახელებინოს საქართველო და მშობლიური სენაკი.



## 8 თებერვალის დავითობა

საქართველოს მართლმადიდებელი ეკლესია 8 თებერვალს წმინდა კეთილმორწმუნე მეფის, დავით აღმაშენებლის ხსენების დღეს აღნიშნავს. ამასთან დაკავშირებით ტაძრებში საზეიმო წირვა-ლოცვა ტარდება. წმინდა მეფე დავით აღმაშენებელი 1089 წელს, 16 წლის ასაკში გამეფდა და 36 წელი მეფობდა. წმინდა დავით აღმაშენებელმა დიდი თურქობის დროს გაქცეული და მიუვალ ადგილებს შეიზნული ქართველები ძველ ნამოსახლარებზე დააბრუნა. მოიწვია საეკლესიო კრება, რომელიც რუის-ურბნისის კრების სახელწოდებით არის ცნობილი. კრებამ ქართული ქრისტიანული ეკლესიის ავტორიტეტი გააძლიერა და თავგადასულ ფეოდალთა და უღირს სასულიერო პირთა თავნებობა აღკვეთა. კრებამ ასევე ერისა და პიროვნების გადარჩენის საქმეში მართლმადიდებლური სარწმუნოების სასიცოცხლო მნიშვნელობა კიდევ ერთხელ დაამტკიცა. "არა გეცრუვებ შენ სინმით, მშობელო ჩუენო კათოლიკე ეკლესიო, არცა განგცეთ შენ, სიქადულო ჩვენო მართლმადიდებლობაო, რომლისა არცა განცემულ ქმნილ ვართ, ვინადგან შემეცნებასა შენსა ღირს ქმნილ ვართ, მონამე არს ჭეშმარიტება", - ნათქვამია კრების ძველი წერაში. შემდგომ წმინდა მეფე საქართველოს გაერთიანებას შეუდგა და ქვეყანა თურქთაგან გაათავისუფლა. მუდმივმოქმედი ჯარის შესაქმნელად კი ყივჩაღეთიდან 40 ათასი მეომარი ჩამოიყვანა,



რომელსაც 5 ათასი ქართველი მიემატა. 1121 წელს წმინდა მეფე დავითმა დავითმა დიდგორზე არაბთა 600 ათასიანი არმია დაამარცხა. 1122 წელს კი 400 წლიანი არაბთა ტყვეობის შემდეგ დედაქალაქი თბილისი სამშობლოს დაუბრუნა. წმინდა მეფე საქართველოში და მის ფარგლებს გარეთ ქართულ ეკლესია-მონასტრებსაც შეეწეოდა. მისი მეფობის დროს აშენდა გელათის მონასტერი და დაარსდა გელათის აკადემია, სადაც იოანე პეტრიწი, არსენ იყალთოელი და სხვები მოღვაწეობდნენ. წმინდა მეფე 53 წლის ასაკში 1125 წელს აღესრულა. მანამდე მან ჰიმნოგრაფიული ნაწარმოები "გალობანი სინანულისანი" დაწერა, სადაც მეფემ მის მიერ ნებსით და უნებლიეთ ჩადენილი ცოდვებისთვის უფალს შეწყალება სთხოვა. ანდერძის თანახმად, დავით აღმაშენებელი გელათის მონასტრის შესასვლელშია დაკრძალული.

## საქართველოში შიფტდვების ეტაპობრივი მოხსნის გეგმა

უნწყებათაშორისმა საკოორდინაციო საბჭოს 24 თებერვლის გადაწყვეტილებით, შეზღუდვების შემსუბუქება დაიწყო. 25 თებერვლიდან საქალაქთაშორისო ტრანსპორტი ამოქმედდება. ამასთან, მუნიციპალური ტრანსპორტი შაბათ-კვირასაც იმუშავებს. 25 თებერვლიდან სამთო კურორტებზე სასტუმროები გაიხსნება. სამთო კურორტებზე არსებული საბაგიროები კი 8 მარტიდან დაიწყებს ფუნქციონირებას. 1-ელი მარტიდან კერძო და საჯარო საბავშვო ბავა-ბალები მუშაობას განაახლებენ. უმაღლეს და პროფესიულ სასწავლებლებს უფლება აქვთ კლი-

ნიკური, პრაქტიკული, ლაბორატორიული მეცადინეობები და გამოცდები 1 მარტიდან არადისტანციურ ფორმატში ჩაატარონ. სასწავლო პროცესის აუდიტორიებში განახლება კი 15 მარტიდან შეეძლება. აღნიშნულ გადაწყვეტილებას უმაღლესი სასწავლებლები დამოუკიდებლად მიიღებენ. 1 მარტიდან კონფერენციების და ტრენინგების ჩატარება, შესაბამისი პროტოკოლის დაცვით, დასაშვებია ხდება. მუზეუმები და ბიბლიოთეკები საქმიანობას ასევე 1 მარტიდან განაახლებენ. რესტორნების შიდა სივრცეები ფუნქციონირებას, შაბათ-კვირის გარდა, ბათუმში 1 მარტიდან, ხო-

ლო დანარჩენ საქართველოში 8 მარტიდან განაახლებენ. 8 მარტიდან საჯარო მოღვაწეობები და ბაზრობები შაბათ-კვირასაც იმუშავებენ. 15 მარტიდან ფუნქციონირებას სპორტული დარბაზები განაახლებენ. ასევე 15 მარტიდან განახლება სასკოლო წრეები. თეატრები, სპორტული კლუბები, პროფესიული ანსამბლები რეპეტიციების და ვარჯიშის განახლებას 15 მარტიდან შეძლებენ, ხოლო საქმიანობის სრულად აღდგენა (თეატრალური წარმოდგენები, სპორტული შეჯიბრებები) 1 აპრილიდან იგეგმება. 21 საათიდან დილის 5 საათამდე გადაადგილებაზე დაწესებული შეზღუდვა ძალაში რჩება.

## „სამოქალაქო მონიტორინგი მუნიციპალური სერვისების გაუმჯობესებისათვის“

საქართველოს სასოფლო დარბაზი ევროპის ფონდისა და შვედეთის საერთაშორისო განვითარების სააგენტოს მხარდაჭერით, სენაკის, ხაშურისა და ლანჩხუთის მუნიციპალიტეტებში აგრძელებს პროექტის „სამოქალაქო მონიტორინგი მუნიციპალური სერვისების გაუმჯობესებისათვის“ განხორციელებას. პროექტის ხელმძღვანელი ამირან გიგინეიშვილი 2021 წლის 22-23 თებერვალს ქალაქ სენაკში სასტუმრო ვერსალში ჩატარდა ტრენინგ კურსი „კომუნიკაციის, პრევენციის, ფასილიტაციის უნარების ამაღლება და სოციოლოგიური კვლევების მენეჯმენტი“. ტრენინგ



ესწრებოდნენ სენაკის მუნიციპალიტეტის აიპ-ბის - "საზოგადოებრივი მომსახურების ცენტრი", "სკოლამდელი აღზრდის გაერთი-

ანება" და "სასპორტო გაერთიანების" თანამშრომლები. **სპინჩა მამუკაძე**, პროექტის კოორდინატორი

ჩვენს საამაყო, გამოჩენილ მხატვარს, პროზაიკოსს, ესეისტს, მრავალწინაგოვანი სულის ადამიანს, მრავალმხრივ შემოქმედს, ბატონ რეზო ადამიას ვულოცავთ დაბადების დღეს, ვუსურვებთ კვანძოვან და ღვინოვან ცხოვრებას და ღვინოვან და ღვინოვან ცხოვრებას და მხატვრული ნაწარმოებების შექმნას.

რედაქცია

# შეხვედრა დიდ მწერალთან

(დასასრული)

წერის სტილის, ნეტარ ფერ-წერულ-მუსიკალური, პოეტური ნატიფი გემოვნება. აზრთ ჰარმონია მხატვარ ანრი მატისისეული, ხაზთ სვლა, ნარნარ დინება ფორმათ ყოველივესი. მოციქულთა ოთახთავივით საამოდ რომ იკითხება. რომანი „დიდოსტატი მარჯვენა“ ხომ განუმეორებელი, ლიტერატურულ სივრცეში მუსიკალურ-პროზაული უნაკლო პოემაა, გენიალურ პოეტათვის-საც თეთრი შურის აღმძვრელი. თხრობა-მოყოლისას ნებისმიერი სიტყვა-წინადადებით, ტანში ჟრუანტელის მომგვრელი სიახლე, აზრთ წყობით; ეგვიპტური ფრესკათ მოხატულობის შეპარვითი მრავალხაზოვანი განწყობილება, სიტყვათ-ფერ, აზრ-ფორმათ პროპორციები, მხოლოდ ავტორისეული სტილისეზური მოქმედების ლიტერატურულ ჰარმონიად გვეცხადება... ქართული, ღრმად მოაზროვნე სიტყვები ინდივიდუალურად ისე მოძრაობენ, ბეჭა და ბეჭენ ოპიზრებისეულ ორნამენტებად მოიჭებენ-მოიხატებიან!...

ერთხელ პარიზში, ლუვრის ფერწერული სურათების დარბაზებიდან გამოვიდა, უღამაზესი ეზოს ჩრდილოვან მხარეს მარმარილოს გრძელ სკამზე განემარტოვდა, ფერწერული შედეგებისაგან აღფრთოვანებულს მინდოდა და ყოველმხრივ ვეცადე შედეგ ქმნილებები თეორიულად განმეხილა, ჩავწვდომოდი, რა ხდება შენში იმ წუთებში, ნანარმოების უცხო შეგრძნება, სტილი და კულტურა ოსტატობისა როს შეგიპყრობს და ნეტარ უზომო სულიერ საიმოვნებას განგაცდევინებს.

უთუოდ მაგ შემთხვევაში, ღმერთი კეთილგანმანათლებლად შემოვიდა შენში უშუალოდ შედეგრიდან და უფრო მეტი რამე არ არსებობს? ახსნით?! ღამაზი თუ ნებისმიერი ქალის სიყვარულს? შესძლებთ, აის-დაისის მშვენიერების სულიერად დასურათებას? ან ან ბერძნულ სიახლე ღვთაებრივ აზრებს ბოლომდე ჩასწვდებით? ძნელიაო, იტყვიან. ამიტომაცაა ხელოვნების შედეგები უმეტესათვის მიუწვდომელი, რადგან ყველგან მათში იდუმალებათა უფაქიზის ანგელოზისეული მრავალი უნატიფესი ნიუანსია დავანებული. დიდი ხელოვნება სამყაროს უსასრულობიდან გადმოედინება და უმნიშვნელო ნელი სვლით უკანვე მიცოცავს, კვლავ დიდი ნიჭია საჭირო მათი ჩვენს პლანეტაზე მუდმივად დატოვება-შენარჩუნებისა (დედამინიდან დროთა ჟამში,

ცოტა ხელოვნების შედეგები გამქრალი?). ამდაგვარი ფიქრ-მდგომარეობით ლუვრისეზოში ვზივარ და ვუტრიალებ შედეგთა მიუდგომელი გემოვნების ღვთიურ უხილაობას, ყოველმხრივ ვეცადე მრავალგზის თეორიულად განმეხილა და მიახლოებითაც ვერ მივედი იქამდის. აზრთ წარმოუდგენელი ღვთიური იდუმალებაა, არაამქვეყნიურ-მინიერი შეგრძნება და უფრო შენში უფლისმიერობითი ურთულესი სივრცე მჭლავდება. ყოველგვარი ამაღლებულობა ხომ ოპტიმისტური იქნება, თუ პესიმისტური ღვთიურ-ადამიანურ გრძნობათა მთლიანობაა ღრმად დადებითობისა იმდენად ღვთაებრივია სიტყვა-აზრთ ჯადოქარსეული მაცხროს რომანები, მოთხრობები და ნოველები, რომ სრული წარმოდგენა გუფლებათ. მთლიანობაში თითქოსდა მარადიული ზნეობრივ-კაცობრიული ჯანსაღი სულისმიერობითი ურღვევი გემოვნებითი ფორმაა;

„თავისი დროის ზნეობის გაუმჯობესება – აი მიზანი, რომლისკენაც უნდა ისწრაფოდეს ყოველი მწერალი, თუ არ სურს მხოლოდ „ხალხის გამართობი იყოს“. – ბალზაკი. კონსტანტინე გამსახურდია, ჭეშმარიტი მსახურია ამ ზეგონებრივი აზრისა... კვლავ ვეახლოთ უკეთილშობილეს დიასახლისს; დარბაზში სიმშვიდეა, ფიქრები, აზრები, ნანარმოებთა გმირები, ყოველგვარი ზნეობისა, თითქოსდა შორეულში გავიდნენ. მგონი ხელოვნების ანგელოზიც დადუმდა და მწერალთ მოძღვარს ფიქრებით მისჩერებია. ეზოდან ოდნავ ჩიტების ხმა ისმის... უმალ წამოვდექი და ქალბატონ მირანდას დარბაზიდან გასვლის უფლება ვთხოვე, თანხმობის ნიშნად თავი დამიქნია, დაიღალა, ბატონო! დილით ადრე იწყებს ახალ რომანზე მუშაობას, ძალიან უნდა „თამარ“ დროულად დაამთავროს. შემდეგ სურათი ავიღე, „ეტიუდნიკი“ მხარზე გადავიკიდე და კეთილ დიასახლისს გულთბილი მადლიერებით დავემშვიდობე. წამით შევჩერდი და უმორჩილესად ვთხოვე, მაპატიოს კონსტანტინე ბატონმა, რადგან დაუმშვიდობებლად ვტოვებ თქვენს ღირსებას-მეთქი! არა უშავს ბატონო! ამჟამად მდგომარეობა შეიქმნა ასეთით. მაგ წუთებში უკმარისობის გრძნობით დათრგუნულს, უჩვეულო შინაგანი უძღურობის სიმძიმე დამანვა... რამდენიმე წლის შემდგომ, მაშინდელ საკავშირო გამოფენაზე მხატვართა კავშირიდან წარადგი-



ნეს ჩემი კოლხური კოშკის ნახატი, ქალაქ მოსკოვში და შემფასებელმა კომისიამ ფონდებისთვის შეიძინა კიდევაც. დღეს ნამდვილად ვნანობ; ნეტავ ჩემთან ყოფილიყო ერის საამაყო კონსტანტინე გამსახურდიას სიცოცხლის დროინდელი კოლხური კოშკის ამსახველი ფერწერული ტილო ან საჩუქრად გადამეცა ოჯახზე. თუმცა, ბატონი კონსტანტინეს შვილის, საქართველოს პირველი პრეზიდენტის, ზვიად გამსახურდიას ოჯახზე თავდასხმის დროს, საუბედუროდ, კოლხური კოშკი რომ გადაწვეს, შეუდარებელი მგზნებარე პატრიოტის მიმართ მტრულად განწყობილმა ქართველებმა, ჩემი ნახატიც ხომ პოლიტიზირებული ცეცხლის მსხვერპლი გახდებოდა.

„ხელოვნების ნანარმოებში ღმერთი სთავაზობს და კაცი განაგებს“ – ანდრე ჟიდი. ჩვენს პლანეტაზე გამხელილი ყოველგვარი შედეგის მთავარი შემოქმედი უფალია! ღვთისეული გენიის სული, ნიჭი და გონება დედამიწის აურაცხელ პიროვნებაზე უებარი მკურნალ-წამალია ან უმდიდრესი კარაბადინი და, განსაზღვრული დროის შემდგომ, აწყვოს მორჩილი სხეული ხდება: ხოლო მოსვლა, აწყვდის შობილს ისევე რომ გადასცემს მომავალს – ვარსკვლავთური ქმედება (ამ საკითხზე ზემოთ გვსაუბრეთ, ოღონდ სხვა კუთხით) დაუსრულებელი. შედეგად, ნანარმოებზე იტყვიან ულამობელ დროს გაუძლოო. მე კი ასე ვიტყვი; მგრძობიარე დრომ მარადიულს გვერდი აუარა და სვლა განაგრძო (თუმცა სტიქია და ადამიანები დროზე უმეტესად ანადგურებენ კოსმიურ ქმნილებებს...) ზოგჯერ ღმერთი მიფიქრია, უზომოდ და უსაშველოდ ქარიანი კუთხის სხვადასხვა დონის და თვისების ნაშიერნი, როგორ მშვიდობიან გარემოცვაში ვურთიერთობდით ლეგენდარული კოლხური კოშკის ღვთიურ სივრცეში. უთუოდ რომ შორეულ წარსულში, ახალგაზრდობისას, ჩემზე მეტად განუცდია დიდოს-

ტატს აბაშის, უფრო სამეგრელოს, ქარის თავხედურ ფორმათ მოვლენები. ყოველივე რა საფიქრალია, მაგრამ დროთა ღია ნაპრალები ხომ აღუვსებელია მარადის. თქმა უნდა მაგას? უკამარისობის გრძნობა რომ შეგანუხებს ბატონი კონსტანტინეს შემოქმედების შეგრძნება-განხილვისას უფრო ნიჭ-სიყვარულისა, ხოლო ნანარმოების გემოვნების უკუნარმოსახვის გადაყვანისას მთავრდება უშედეგოდ; ამიტომ ამ ფორმის ნააზრევით ამდაგვარად მინდა დავამთავრო...

კონსტანტინე გამსახურდიას სიახლე აღუწერელი გემოვნებისანი სტილძარღვიანი პროზა, შემოქმედებითი სრულყოფილება ნებისმიერი ეპოქისა თავისი სხეულ-სულიერებით, სამშობლოს უმდიდრეს წარსულს, ყოფით და დღევანდლობის ქარცეცხლიანი ისტორიიდან იყო აღმოცენებული, რომლითაც ერის მომავლის სასიცოცხლო კვირტებს აღვივებდათავისი ქვეყნის პატრონ-პატრიოტი გახლდათ, რჩეულ ქართველ მეფეთა დონზე და კოსმიურად აზროვნებდა, მეცნიერულ-ფილოსოფიური რწმენითი ჯანსაღი აღმოჩენებით, ნებისმიერ პატრიარქზე უმეტესად. თავდადებით ებრძოდა როგორც წარსულის, ასევე იდეურად აღჭურვილ თავისი დროის უძლიერეს დამპყრობლებს. მრავალჯერ თუ გადაურჩა გოლოგოთა-გილიოტინას, ისე ვით უხორცო უმიშარი, დაუდგრომელ-მოუსვენარი და სუსხიანი ნიჭ-გენიიდან გამომდინარე, მაგრამ მოლაღატე ქართველებთანაც მუდმივი დაპირისპირებით, პირადი ჯანმრთელობა დღითი დღე უუარესდებოდა. ჯალათებმა რამდენიმეჯერ, იოანე ნათლისმცემელივით, პატიმრობაშიც იყოლიეს. უთუოდ წმინდა მებრძოლი, ზეციდან ახლად მოვლენილი მორიგი შეწირულობა გახლდათ: სიცოცხლის უკანასკნელ წუთამდე არ ზოგავდა უიშვიათეს უფლისმირ ნიჭთ-მონოდებას და ერის სამსხვერპლოზე პირწმინდად მიაბრძანებდა სამშობლოს სი-

ცოცხლის მორწმომდინარე ხატთან, რომელიც ათასწლეულთა საშოდან გამოგვეცხადა. მთელი სიცოცხლე ნათელმიზნობრივად ჯვარზე გაკრულმა გმირულად გაატარა. კეთილი ზვარაკი ნელ-ნელა იცლებოდა წმინდა სისხლისაგან და ღია არტერია-კაპილარ-ძარღვებით კვებავდა მარად ტანჯულ შინაური თუ გარეული მტრისგან გადათელილ მამულს, რისგანაც მადლიერებით აღმოცენდნენ შეუპოვარი, კვლავ შეწირული გმირები.

ღია ზეცის გუმბათიდან უძველესი და ეძლეველი კოლხეთის მეფე აიფტ – მზის ღმერთის შვილი და ლეგენდა, გმირი მეფის, დავით აღმაშენებლის ღვთაებრივი ცრემლი, ვარსკვლავთური ენერჯიად ეპურებოდა განგებით რჩეულ შვილს...

შემოქმედად გაჩენა და მოღვაწეობა ტკივილ-სიამოვნებით მოსვლა სრულყოფილი. დიას, ეგაა მთავარი ფორმა და არის მიუწვდომელ შემოქმედ ზეციურობისა. სიკვდილითაც ხომ უმძიმესი ტანჯვით უსასრულო სიამოვნებაში გადასვლა: სამყარო, კოსმოს-საოცრება – შენ ხარ, უფალო!

უდრეკი გენია, ხელოვნება, საბოლოოდ მედგრად დაეძვრა სიკვდილს და დიამხვრა მეტეორებად გარდასახული... მწერლის უნიკალური, მზედქმნილი რომანები, მოთხრობები, ნოველები, ესეები თუ მრავალი მეცნიერულ-ფილოსოფიური წერილ-ნანარმოებები სამუდამოდ დაობლდაო, ვიღაცებმა დაიძახეს, მაგრამ არა! ერმა და მსოფლიომ მარადიულად იშვილეს. ნეტარ! კონსტანტინე ბატონის სისხლი კი, სამშობლოს მიწის ჟამეულ ნაპრალებში მტკიცედ ჩაკირდა...

რეზო ადამია  
დასაწყისი: იხ.  
გაზეთი „კოლხეთი“  
2020 წელი №21-22,  
2021 წელი №1-2

# «თეთრი ღიმილი და თეთრი ფიქრი»



ვაჟა დანელიას წარდგენა არ სჭირდება ჩვენი გაზეთის მკითხველების წინაშე. მის ლექსებს, ჩანახატებს, მინიატურებს კარგად იცნობს და მაღალ შეფასებას აძლევს ლიტერატურული საზოგადოება.

ავტორი ლირიულ ლექსებში აცოცხლებს კოლხური სოფლის ზამთრის სურათებს. „ბანზე წამოგორებულ ღამეს“. მკითხველის გულს ერთგვარ სალბუნადაც ედება „ცივი ზამთრის მელოდიები“.....



## ვაჟა დანელია

### ზამთარი სოფლად

როს მზეს აენვის ღანვი სუსხისგან, ჩაიხუტებენ უმალ გორები, ორლობებში თეთრი ზმანება ჩამოარბევს სევდას ზმორებით. ზეცა მოიხვევს ღრუბლებს თავშელებად, ნათელი უკუნს დაემონება, წამოგორდება ღამე ბანზე და ბუხრებს გაიჩრის ყალიონებად.

- ტელეგრაფის მავთულზე, ვითარც სიმის ჯადოქარი, ქარი უკრავს ცივი ზამთრის უსახელო მელოდიას. ხეები რძისფერ მიდამოს რია-რიაში ქარი უხედნი კვიცივით მიქრის და ქალიკონში ფერხულს უვლიან თეთრი ღიმილი და თეთრი ფიქრი. შეშფოთებული აწყდება ფანჯრებს ტანგაძარცული ალვა და თელა, გამონვდილი აქვთ

ჩემკენ ხელები და ნირშეცვლილი ითხოვენ შველას.

- მთის ზურგებიდან აიწყვიტეს შლეგმა ქარებმა, წამოუარეს ღრუბლის ფარებს წასარეკავად, ცის დაზაფრული გუმბათიდან კურკანტელები გადმოუყარეს მინდვრად ჩიტებს ასაკენკავად.

- გრძნობა აბორგდა, ხელი, ვნება ასკდება ტინებს, სისხლი სდით კუპრისფერი ფიქრებს, ფრთებდალენილებს... და ეფიცება ბუხარს ლექსი, ბავშვივით თოთო... ზეცა შუბლს იხსნის მწუხარს,- ალბათ, ამაღამ მოთოვს.

- უკუნში ვეძებ ჩხორიას, თავად არ ვიცი, რა მინდა, ნეტავ, რომელში იმაღვი იმ ათას ერთი

ღამიდან... ამომზისგულდი ოცნების და სევდის სემირამიდა.

(ჩხორია (მეგრ.) - სხივი)

- დაგთოვებს წლებმა, დღეები გარბის, ისევ ეული, როგორც სიშიშვლე, მარტოსულობას შეავლებ მზერას, ელდანაკრავი შიშს რომ იშიშვლებ... ნაამბორალი ცახცახებს ბაგე, ნაკვერჩხლისფერად ენთება ღანვი, და მოგონებებს - ფრთებდაჭრილ ძერას, ტალახისფერი დუმილი აწვიმს.

- ოროფაქუ ქიმენტუ დო ნამეკიდა ტრფობა, გულში გურს ირთაფუ კორიდა, ბორიობს კორიდა, უდაჩხიროთ ვიფარფალუქ, უკოცონოდ ვიფერფლები, სო ვიფულა, სო ვიდა. სად ვიმაღვო, შორიდან... უსქანეთი ვავმარძინე. მე ვერ გავძლებ უშენობით, ჩხე გურს ჭიჭე მურგილე, გულს ეფონე, ნაოხარს, - სი რექ ჩქიმი შურიშ ორო, სულის საჩრდილობელი და ჩქიმ რინაში წყურგილე! სიყვარულის წყარო ხარ!

- ღამემ კარებთან სული დალია, ალიონს ვხვდები ისევ ეული, შენზე ფიქრებში ძილს ვერ ვიკიდე ეგ მერამდენედ ღამეთეული. გზა გაუნაღდავთ ქარებს მთებისკენ, მზე გადმომცქერის საცრის თვალებით, ურვით მადნება გული საგულეს, - ვითარც მარტის თოვლს ნატერფალევი.

### შურმოკრული ხუმარსიტყვა ბემოდაკარბული

ნაბახუსევზე გვიანგავლიძებულმა კონიამ დედასთან სტუმრადმყოფ მეუღლეს დაურეკა.  
-მგონი, კოვიდი მაქვს, - უთხრა დაღვრემილმა.  
-საიდან?! - შეიცხადა ცოლმა. - ტესტი გაიკეთე?  
-არა, წუხელ გვიან ქათმის ბარკალი გავსინჯე და გემო ვერ ჩავატანე.  
-კი მაგრამ, როგორ? ქათამი ხომ მაცივარში უმად შევინახე!  
-ჰო-ო, საიდან უნდა მცოდნოდა, ნასვამი მოვედი და... - თითქოს თავი იმართლა კონიამ და ყურმილი დაკიდა.

## ხალგოფნართა საყურადღებოდ

გრძელდება ხელმონერა გაზეთ „კოლხეთზე“. ხელმონერის ღირებულება 1 წლით შეადგენს 12 ლარს.

ძვირფასო თანაქალაქელებო, ხელმონერით თქვენ სიცოცხლისუნარიანობას უნარჩუნებთ მუნიციპალიტეტის მემბტიანეს.

გაზეთი „კოლხეთი“

## მიღიცივა

გაბრიელ შონია 3 წლის გახდა. გაბრიელს უყვარს მულტფილმები, ზღაპრები, ინტერესით ათვალთვინებს საბავშვო ნიგნებს. აქვს კარგი ხმა და სმენა, არის მოაზროვნე და ყურადღებიანი.

გაბრიელს ძალიან უყვარს უმცროსი დაიკო ნიტა, თავის ენაზე ეტიტინება პატარა ნიტას. უყვარს მშობლები და მათა ბებო, რომელიც ყოველ დაბადების დღეზე ცდილობს სიურპრიზი მოუწყოს საყვარელ შვილიშვილს.

ვულოცავთ პატარა ვაჟკაცს დაბადების დღეს, ვუსურვებთ ბედნიერ ბავშვობას და ღამაზი სურვილების ახდენას. უფალი ფარავდეს მის სამომავლო გზებს!



„კოლხეთელები“

## 15 თებერვალი - მირქმა

მირქმა — ქრისტიანული ეკლესიის ერთ-ერთი უძველესი დღესასწაული. მირქმას დღესასწაულობენ 2 (15) თებერვალს.

იუდეველთა სჯულის მიხედვით ებრაელებს ევალებოდათ ყოველი პირველშობილი ღმერთისთვის შეენირათ და დაბადებიდან მე-40 დღეს ტაძარში მიეყვანათ. ამის აღსასრულებლად ყრმა იესო ქრისტე მარიამმა და იოსებმა იერუსალიმის ტაძარში მიიყვანეს. ამ დროს იერუსალიმში ცხოვრობდა მოხუცი სვიმეონი, რომელსაც არ სწამდა ქალწულისგან მსხნელის შობის შესახებ. ამის გამო მას ეცნობა, რომ არ მოკვდებოდა, ვიდრე ქრისტეს არ იხილავდა. სვიმეონმა იხილა ქრისტე და ჩაიკრა გულში

იგი VI საუკუნემდე განსაკუთრებული ზეიმით არ აღინიშნებოდა. 528 წელს, იმპერატორ იუსტინიანეს (527-565) დროს, ანტიოქიას თავს დაატყდა საშინელი მინისძვრა, რომელსაც მრავალი ადამიანი ემსხვერპლა. ერთ უბედურებას მეორე დაერთო – შავი ჭირის ეპიდემია: ყოველდღე რამდენიმე ათასი კაცი იხოცებოდა. ამ განსაცდელის ფაშს ერთ კეთილმსახურ ქრისტიანს ზეგარდმო ეუწყა, რომ მირქმის დღესასწაული უფრო საზეიმოდ აღენიშნათ, და, როდესაც ამ დღეს ღამისთვის ლოცვები და ლიტანიობა აღასრულეს, ბიზანტიაში უბედურებათა წყება შეწყდა. ღვთისადმი მადლიერების ნიშნად, 544 წელს, ეკლესიამ განაჩინა, მირქმა (მიგებება) უფლისა ღვთისა და მაცხოვრისა ჩვენისა იესო ქრისტესი უფრო საზეიმოდ აღენიშნათ.

# მანონ ოთხოზორია-გებენავა

სასახელოდ დატვირთული ბიოგრაფიის ქალბატონი იყავი მანონი დეიდა: ორი შვილი (ნინო და ემილი) – ღირსეული მოქალაქე და პროფესიონალი, სამი შვილიშვილი (თამუნა, ნინო, დათა), შვილიშვილი (ლუკა) შენი ღვაწლით გაიზარდა. სიძე – ბორია ხომ შვილებში არ გამოგერჩეოდა, როგორც რძალი – მზია.




ეპოქისა და მორალურ-ეთიკური ნორმების ადეკვატური ღირებულებების აღიარება, ღვთისმოსაობა, ქართველი დედის სინდრომი და ზოგადქალაქური ფასეულობები, ქალური ხიბლი ამშვენებდა შენს პიროვნებას.

პატრიოტიზმი, მოქალაქეობრივი შეგნება, პოეზიასა და სიმღერასთან ნილნაყრობა, ქართულ ხალხურ მუსიკალურ საკრავებთან სიახლოვე. კულინარიისა და ეზოების ყვავილებით მოხატვის ხელოვნება, დიზაინის (ტანსაცმლის მოდელის შექმნის) მაღალი გემოვნება, ლიდერობის პოტენციალი, რითაც ყოველთვის გამოირჩეოდი, შენი გონიერების, წიგნიერებისა და ცხოვრებისეული გამოცდილების შედეგი იყო. ოჯახში ოთხი თაობა ცხოვრობდა, არ იყო ეს ადვილი, მაგრამ საოცარია: თუ რამეზე განსხვავებული აზრი შეიქმნებოდა, ბოლოს ყველანი (გულში მაინც) აღიარებდნენ, რომ ძალიან ხშირად შენ იყავი მართალი!..

შენმა საფიცარმა უფროსმა ქალიშვილმა ნახა შენი ბოლო ცრემლი (ალბათ, სინაზულის-სააქოსთან გამოთხროვის გამო)... შენი ბოლო სიტყვა იყო: მიყვარხარო! მიყვარხარო!-ყველა გიყვარდა და ყველას ასწავლიდი სიყვარულს. გმადლობთ ყველაფრისათვის! უფალი გფარავდეს და შენი საყვარელი საქართველოს მინას ებარებოდე!

ნანი ყიფიანი

# ვალერიან პაჭკორია



უდიდესი გულისტკივილი ახლავს ოჯახის თავკაცის გარდაცვალებას, არავის ძალუძს შეავსოს ის სიცარიელე, რომელსაც ახლობელი ადამიანის დანაკლისი ჰქვია.

ვალერიან პაჭკორია დაიბადა 1936 წელს. დაამთავრა ქუთაისის პედაგოგიური ინსტიტუტის გეოგრაფიის ფაკულტეტი. შემდეგ სწავლა გააგრძელა თბილისის ივანე ჯავახიშვილის სახელობის სახელმწიფო უნივერსიტეტის ისტორიის ფაკულტეტზე.

1967 წელს მუშაობა დაიწყო სენაკის მეოთხე საშუალო სკოლაში დირექტორის მოადგილედ აღმზრდელით დარგში. ამავე სკოლაში პარალელურად უძღვებოდა ისტორიის და გეოგრაფიის სწავლებას.

1988 წელს დაინიშნა ნატოჩაოს არასრული საშუალო სკოლის დირექტორად. პასუხისმგებლობით და უდიდესი რუღუნებით ეკიდებოდა დაკისრებულ მოვალეობას. განსაკუთრებულ ტაქტს იჩენდა დამწყები პედაგოგებისადმი.

2000 წლიდან პედაგოგიური საქმიანობა განაგრძო კერძო სკოლა „ალბიონში“. აქტიურად მონაწილეობდა სკოლის სასწავლო-შემოქმედებით საქმიანობაში. მისმა მოსწავლეებმა არაერთხელ გაიმარჯვეს სასწავლო-შემოქმედებით კონფერენციებსა და სხვადასხვა კონკურსებზე. თავადაც არაერთი სიგელი და ტიტული ჰქონდა წარმატებული პედაგოგიური საქმიანობისათვის.

გამოირჩეოდა შემოქმედებითი უნარით. წერდა ლექსებს, ჩანახატებს, ბრძნულ შეგონებებს.

ქართული ტრადიციული ოჯახის თავკაცმა შვილები ირმა და ცირა ქვეყნისათვის სასარგებლო მოქალაქეებად აღზარდა. იყო მზრუნველი მეუღლე, მამა და ბაბუა.

სიცოცხლის ბოლო წლებში დედაქალაქში დამკვიდრდა ოჯახთან ერთად. მისი ხსოვნა ჩაუშქრალ კვლავტრადენტება ოჯახის წევრების გულში.

ოჯახი

გაზეთ „კოლხეთის“ რედაქცია თანაუგრძნობს ნინო და ემილ გებენავებს დედის მანონ ოთხოზორია-გებენავას გარდაცვალების გამო

# ნატო სანაია

კიდევ ერთი ლამაზი სიცოცხლე წავკარგეთ ავადმჯობე პანდემიამ, პედაგოგიურ საზოგადოებას გამოაკლდა მისი უანგარო და ერთგული მსახური ნატო სანაია.



თავისი ლამაზი სიცოცხლე პედაგოგიურ მოღვაწეობას მიუძღვნა ქალბატონმა ნატომ. წლების განმავლობაში მუშაობდა ზემო ფოცხოსა და ქვემო ფოცხოს საჯარო სკოლებში დირექტორად, გარდა აღმინისტრაციული სამუშაოს ის ქართულ ენას ასწავლიდა ბავშვებს, ქართული ენის სიდიადეს აზიარებდა მათ და მასთან ერთად ასწავლიდა საქართველოს სიყვარულს. ბოლო წლებში სასჯელადსრულებისა და პრობაციის №11 პენიტენციურ დაწესებულებაში მუშაობდა მასწავლებლად.

არსებით ასხივებდა სიყვარულსა და სიკეთეს. როგორც ფიზიკურად იყო ლამაზი და სულიერადაც მშვენიერი იყო. გულისხმიერი, ტაქტიანი, მიმტევებელი, კარგი ადმინისტრატორი, ინიციატივანი – ასეთი იყო კოლეგებსა და მოსწავლეებთან უთიერთობაში. მრავალი კარგი საქმე გაკეთებულა მისი ინიციატივით, რამდენი ახალგაზრდის გულში დაუთესია სიკეთე და დაუყენებია სწორი გზაზე. კიდევ რამდენი სიკეთის გაკეთება შეძლო, მაგრამ ვაგლახ, ავადმჯობე შეწყდა მისი ლამაზი სიცოცხლე.

ახალგაზრდობის აღზრდისას დათესილი სიკეთე ნათლად დაადგება ქალბატონ ნატოს იმ ქვეყნად. იმედია, იმქვეყნიდანაც დაგვეხმარება მისი ნათელი სული მოსწავლეებსა და კოლეგებს სიკეთის კეთებაში.

ქვემო ფოცხოს საჯარო სკოლის პედ. კოლექტივი

# ღიმილიანი ნატო

სულ რამდენიმე დღეში გაზაფხული შემოვა, შენებრ ლამაზი და სხივიანი. ვერ შევგუებოვართ იმ აზრს, რომ მოულოდნელად გაეცალა ამქვეყნიურ ცხოვრებას.

დო სილამაზე. ყველასაგან გამოირჩეოდი ჩაცმის კულტურით, კარგი მანერებით, ნატიფი გემოვნებით. ცხადია, ძალიან უჭირს შენს ყურადღებასა და მზრუნველობას ნაჩვევ დედას, მეუღლეს, ძმას, ნათესავებს უშენობა.

შენ ხომ მოძრაობისთვის, სიცოცხლისთვის, მეგობრობისთვის, სიკეთის კეთებისთვის, სიყვარულისთვის იყავი მოვლენილი ამ ქვეყნად. ყველას სწვდებოდა შენი აკურატული ხელი -- ავადმყოფ დედას, ოჯახს, შვილებს, ნათესავებს, მოკეთემოყვარეს. სიყვარულს არ იშურებდი თანადგომის საძიებლად მოსული ახლობლებისა და ნათესავებისათვის. ვარსკვლავით ანათებდა შენი უზა-

გვაპატიე, რომ ვერ გაგაცილეთ უკანასკნელ გზაზე.

ჩვენს მეხსიერებაში მუდამ დარჩენი ღიმილიან, ხალისიან და სიცოცხლით სავსე ნატოდ. იყავ ნათელში!

ვლადიმერ, ნანა, მადია ბალათურიები



# გული კირცახლია



თი“ ესალმებოდი და ემშვიდობებოდი დიდს თუ პატარას. ალბათ სანუხარი შენც გქონდა, მაგრამ არასოდეს შეგიწუხებია არავინ. შენი დარდი არავისთვის მოგიხვევია თავს. პირიქით, ყოველთვის პოზიტიურს სხვათა გახალისება, გუნება-განწყობის გამოკეთება შეგეძლო. თუმცა ერთი ტკივილი ბავშვობიდან მოყოლილი, გულში იარად დაგრჩა. ამიტომ დიდი სამამულო ომიდან არდაბრუნებული მამის აჩრდილი დაგდევდა ყველგან.

საზოგადოების აქტიური წევრი იყავი, სიტყვის მთქმელი და საქმის გამკეთებელი. მონატრებაც შენებური იცოდი – ნაღდი, ხალასი. „მომენატრე და გამოვიარეთ“ -- იტყოდი როცა რედაქციის კარებს შემოაღებდი. „გოგოებო, ქათმის შეძლება კვერცხიანო“ დააყოლებდი და მორიდებით ტკბილედ მოგვართმევდი. გაიხსენებდი ან გარდაცვლილ რედაქციის თანამშრომლებს, „კოლხეთს“ გამოიწერდი, გაგვამხნევებდი, თან კედელზე გაკრულ შენი ლექსის ბნკარედს შეავლებდი ირიბად მზერას.

შემოქმედი ქალბატონი იყავი და მთელი ცხოვრება სიტყვებს ეფერებოდი, ლექსებიდანაც სიყვარულს ასხივებდი, ყვავილნარს აშენებდი, სადაც მოსახერხებელ ადგილს ნახავდი, რვაგვი საკუთრი კორპუსის წინ, ეკლესიის ეზოში, გაზონებზე და ა.შ. მიძვებით

ხატებს ქარგავდი, რომლებსაც ხან ეკლესიას სწირავდი, ხან საყვარელ ადამიანებს. საკვირველია როდის ასწრებდი ამდენს, არადა ყველგან და ყველასთან რომ იყავი?

გარდაცვალებამდე დაახლოებით ერთი თვით ადრე ტელეფონით მთავარანგლოზობა მომილოცე, მითხარი – ნინო ახლა ეკლესიაში მივიღივარ, სადაც, როგორც ყოველთვის ორ სანთელს ვანთებ, -- ერთს ცოცხალთათვის და მეორეს მიცვალებულთათვის. ცოცხლებში ყველა ჩემს საყვარელ ადამიანს ვავედრებ ღმერთს. შენ ხომ იცი, რომ ერთი იმათაგანი ხარ?!

რამდენად სულგრძელი უნდა იყო, რომ უფალთანაც საკუთარის წილ სხვათა დღეგრძელობაზე იზრუნო. შენ ამნაირი იყავი და სხვაგვარად არ შეგეძლო. ასეთი უსამანო, უხინჯო, მართალი სიყვარული იცოდი გული, რომლის არწყვეტა პინაზე არაფრით შემიძლია.

უკვე ორმოცი დღე გასულა, რაც იმიერში ხარ. დაგვაკლდი შენი სითბოთი, სიყვარულით, „სქანი გოლუაფროთი“ ... შენი განუმეორებელი კოლორიტული ბუნება, პოეზია, ნამუშევრები, მისხალ-მისხალ დარიგებული სიყვარული, მუდამ მომლიმარი ხატება... დაინწყების უფლებას არაფრით მოგვცემს. იძინე მშვიდად. ია და ვარდი შენს გზა სავალს.

ნინო სარტანიანი

<p>სარადაქციო აქტები</p> <p>მთავარი რედაქტორი ნინო სარტანიანი</p> <p>რედაქტორი მელა ბალათურიანი</p> <p>კორექსორები: მანა გერგია, მარია მიქაბერიძე</p> <p>ეკონომიკური სამსახურის სპეციალისტი ჟალია ჩაჩიბაია</p>	<p>რედაქციის მისამართი:</p> <p>სანაია, ჯავახიძის ქ. №103, ტელ: 276150</p> <p>რედაქცია ხელმძღვანელობს თაქსიფალი ჰრასის პრინციპით, არ გამოხატავს პოლიტიკური და საზოგადოებრივი ორგანიზაციის იტარებას.</p> <p>ინფორმაცია 66529</p>	<p>რეგისტრირებულია სანაიის სასამართლოში</p> <p>რეგისტრაციის №56/7-17</p> <p>გაზეთი აკრედიტებულია აიფკო, დაახლოებით და ოქტაბერი წესით დაიბეჭდა შს „ხელი 16“ ქ. ქუთაისი, ილია ჯავახიძის გამზ. 33</p> <p>ტელ: 223779, 223711, 223499</p>
--	--	---